

江津縣志

兵防志

防汎 堡寨

關隘 寇逆

團練

礮船

武備

昔唐高宗策舉子於廷問三陣員半千以天地人
 爲對高宗善之然子輿氏云天時不如地利地利
 不如人和旨哉制勝之方兩言盡之矣江津縣耳
 幅幘不過數百里營兵數十名民壯十餘人聊以
 分汎守備奔走耳何兵防之足云雖然小醜跳梁
 何代無之遠不具論近年來如滇匪李髮匪石皆
 劇賊李僅擾及邊隅石則躡及腹地歷任有司籌
 餉糈製器械聯保伍鍊技擊皆幾經擘畫始克粗
 立規模而礮船一旅當石逆之逼所賴以保全城
 闈者所關不尤重歟我

江津縣志

卷五

兵防志

一

國家運隆中興蠢爾么魔無不盪平漸滅然兵可百
 年不用不可一日不備語不云乎前事之不忘後
 事之師也有地方之責者皆當未雨綢繆深維王
 公設險之道亦思患預防之意也作兵防志

防汎

把總一員 兵伍拾肆名原係重慶鎮標中營分立
 嘉慶年間改撥左營右哨貳司把總汎缺其額設兵
 丁裁撤回營派調臺藏共叁拾柒名今汎防實存前

額定戰兵捌名守兵玖名共拾柒名

額設水塘二底塘附石門一百二十里增設水塘二

五臺山六十里漢東一百八十里均係雍正年間設

立今煙礮尚存旱塘六里牛六十里高歇一百二十里

杜市一百六十里棗園一百八十里棋盤二百八十里

兩路口三百二十里俱係通黔省大道自雍正年間

設立由汛防派兵駐紮各塘遞送公文嘉慶年間將

塘路改道巴縣之白節各場一帶所有津屬六塘兵

撤回汛防供差今惟各塘基址尚存

江津縣志

卷五 防汛

關隘

一邑之關隘猶一室之門戶也門戶不堅盜賊最

易闌入縣屬關隘軍興以來屢次查修如雲谷關

原名倒馬坎並無隘門經知縣劉齊衢籌提公款

尅日修固咸豐十年冬張藍兩逆幾經衝突竟莫

能犯關口一隘由雙和場圍眾合修咸豐十一年

九月藍逆之黨曹周二日連撲靛廠溝將入縣境

經守關團勇合巴縣練勇截追遁去他如陡籬子

張家沱亦嘗被賊攻擊不能奪同治元年髮逆到

白沙八月回竄小水坪兩處對岸如灘盤上石門

賈嗣橋五峯沿江一帶俱擇隘嚴堵亦如咸豐十年十一年陳曹兩匪擾油溪南岸防守葉子沱下渡口諸隘一律嚴密添設礮船賊終不得飛渡保全爲何如乎設險之說誠不誣矣

風門關

縣南五里江自西繞東肯綮處僅半里與南平關形勢相類

關口

縣東一百里兩山對峙中通一路實爲險要

屯營

縣南二十五里四圍峻絕中平如砥明正德庚午都御史林俊破曹甫賊於此

巖門關

縣南三百里一名雁門關僞夏明昇築以禦播遂以爲界北屬江津南屬貴州鄒魯有修

關謠今缺

此舊關隘也時勢既殊稱名亦異姑仍存之更注

江津縣志

卷五

關隘

近時之要緊者

陸隘

附城只有水隘

一都

二都

界連巴壁

關口

黃顛灣

仙女洞

偏巖子

長冲五里

陡籬子

萬家寺

感仙寺

九龍場十里

小

寺埡

雙和場七里

九倒拐

靛廠溝

雙和場八里

三都

界連綦巴

木瓜溪

綦津交界

簡家巖

白石口

永家埡口

大巖口

觀音巖

四都

界連綦江

何家巖

五都

上連瀘合中連永川

保盤龍山

佛子寺

南泉寺

獨樹子 華靈山 場口 二渡仙橋 腰店

子 新案山 飛鸞壩 馬燾子 石龍山 安

福山 冷洞子 貝林壩

六都 界連綦巴 隘三口灘 裏龍門礮 笕礮溝

七都 上連永川 鐵門坎 板橋二里 三塊石 板橋場十里

長坡 秦家坳十里 金藏寺 吳氏場二十五里 流水巖 吳氏

場二十里

八都 只有水隘

九都 界連永壁 寒漣嶺 吳氏場二十里 界牌 吳灘十里

大土坪 轎子石 土地坳 雲谷關 前名倒馬坎有隘門

江津縣志 卷五 陸隘 四

余家坎 吳灘十里 伍家坡 現龍場八里 梳子灘 登雲

坪 陶家箭 太平橋 津壁連界長冲五里

十都 界連合江 隘石柱山 五保 隘江津溝 四保 大

梁上 白水口 石壁 樵裏坳 陡溝子

十一都 手爬巖 壺瓶壘 涼風坳 苦樵坳

石壁坳 大店子

十二都 界連綦江上 石廟子 十二保 龍格子

藍家溝 連合江 貓坐坳 十保 小洪洞 洗魚口

洪洞坪 九保 高洞口 石板田 飛閣子 袁

家溝 蘿葡溪 關巖坪 磨子山 大茅坡 六俱

保連 龍神口 四保 大店子 四保 青龍嘴 三

仁懷 大埡口 三保 礮子山 兩路口

外有最要隘口 銅鼓店 谷草巖 仰天窩

高廟場 俱屬綦江界內三角塘係在兩山之中

不足守也

水隘

南岸 羊石盤 川東門戶最要 大沙壩 東溪口 卽黃石龍

關溪子 二溪 邊魚子 福石壩 鋸子腦

界牌 近小石門都 半邊山 王爺廟 白沙 俱十都

高占灘 堰壩 俱八都 五臺山 葉子沱 沙溪

江津縣志 卷五 陸隘 五

龍門灘 五子沱 上中下三處 東嶽廟 賈壩沱

靑草背 觀音巖 沙灣 官漕 唐家馬頭

俱一都 江口 葛壩 珞璜石 俱六都

北岸 彭通嘴 朱家沱 俱五都 大溪腦 羊巖

石門 聖鍾壩 俱七都 盤街子 油溪 上嘴龍磧子

長石嘴 俱九都 張家沱 荳草坪 纏絲壩 德

感壩 中渡 澣溪口 俱二都

團練

舊志載嘉慶二年邪匪不靖渝城戒嚴邑中先後練勇並僱募鄉勇以爲稽查防卡之用至道光十八年秋黔屬鐵匠壩穆繼賢滋事界連十二都始復練勇咸豐二年以來粵匪倡亂奉文辦團各都按戶連牌分別名目合計六百餘團四年八月貴州楊隆喜滋擾知縣李玉臺赴十二都防堵飭各團亟辦團練時規模雖較前倍善究未與賊交鋒不過防守而已九年滇匪竄擾敘郡知縣劉齊衢札諭各都分練勇丁聯絡聲勢明立章程嚴定賞

罰每都分一大團合爲十二大團大團中量地廣狹按人多少各立小團合爲一保每大團團正一人團副二三四人不等以該都之公正紳糧當之其勇丁以各甲居民子弟充之是時水陸要隘尙未擇立劉公常親身查看隨赴各保校閱技藝講明義理另募教習分布城鄉兩月以後勇丁隊伍器械旗幟俱嚴肅整齊後調紮河防圍攻燕頭山寨甚得其力焉

本城內分仁義禮智四坊通泰門河壩一帶爲信字坊每坊設監正一保正二其操丁卽擇各坊子

弟之勇壯者充之曰來城守局操演並校優劣焉
一都大團曰一德分九保二都大團曰二守分七
保三都大團曰三才分十保四都大團曰四序分
十一保五都大團曰五福分六保六都大團曰六
合分九保七都大團曰七星分九保八都大團曰
八政分六保九都大團曰九如分十保十都大團
曰十全分十保十一都大團曰吉安分十保十二
都大團曰嘉平分十三保每都每保俱有練丁或
四五百人或百餘人不等後調攻燕頭山數千人
又調紫河隘數千人俱按各團抽派其軍器旗幟

工食俱係各團自備按日照給

礮船

津邑向無礮船咸豐九年滇匪之亂闔邑辦防時
賊在北岸河防最爲喫緊知縣劉齊衢選派船戶
劉洪興創設礮船因一時製造不及遂僱募民船
二十隻每隻載巨礮四尊水手六人前後左右輪
流開放每日操演二次三月二十五日髮逆石達
開由仁沱場乘夜竄至離城數里之大沙壩洪興
先已料及預撥礮船十隻放至該處埋伏三更時
聞鼓角聲洪興知賊已至暗傳號令不許聲張祇

輪流開礮轟擊百餘礮賊驚謂向聞城內鎗礮甚多今隔城尙遠礮已如此豈可復進此係賊營逃回者所述遂緣山由高牙舖仙峰場一帶竄去縣城得保無虞而城中人尙高臥未知也次日得悉原委知縣趙綬銘賞洪興及礮手等錢壹百千以獎其功後陳八仙之勇亦擾及油溪一帶屢思搶渡俱爲各水隘礮船擊退礮船之有益於河防如此

武備

咸豐九年秋滇匪李永和等竄擾敘州府一帶知縣劉齊衢奉文辦防製造器械軍火因於三費局庫之柱樓漸壞改建小西門右其火藥鎗礮旗幟器械各數目另有印簿註明

堡寨

嘉慶初元白蓮教匪黨擾及重慶府對岸之江北廳津邑戒嚴奉 上憲堅壁清野之令飭縣屬修立堡寨該紳民等自衛身家不惜重費各擇附近險峻山峰或募眾同修或獨力創建亦皆取有名號及咸豐同治年間滇匪滋擾於前粵逆蹂躪於後遂有修砌舊寨者有建立新寨者津屬地方迳

濶約計不下百餘處茲擇其險固而費重者書之
餘不備載

鶴坪大寨

城西二十餘里為津城保障嘉慶初年李珪鄭蕢等募眾建修咸豐九年間韓

樹型劉

雲楊含英李豐泰等募本坪紳糧捐穀補修髮逆兩次攻撲俱為鎗石擊退寨之可恃如是

東山寨

即金沙寨城南四十里嘉慶年間戴登霄倡捐募眾修建內修有倉廩並鑄有巨礮

其火藥

軍器尚有存者咸豐年間袁懋昭王曾鼎等復邀眾補修

高家坪寨

在縣城之北與巴縣連界原有舊址咸豐年間經本地紳糧募眾補修

人和寨

縣南九十餘里潘墜潘婷率族鄰修建

駱駝山寨

縣南七十餘里其山險峻最易防守故里人僅修隘門數處同治元年髮匪疊

次攻撲終不能破

江津縣志

卷五

堡寨

仰止山莊寨

縣南二百四十餘里在洪洞坪中嘉慶年間戴登奎自建以避白蓮教匪

咸豐初年為江春暉所得補葺尤完固名仰止山莊即以為寨焉

天成寨

縣西南一百五十里糧戶周克讓獨修約費二萬餘金其寨四面壁立萬仞惟前面

有小徑一條環曲險窄至半山陡峻處係用木板接引若抽去則無路可上也往髮匪過其下歎為天險

天險

天保寨

縣東南一百餘里熊茂榮等補修

鳳冠山寨

縣東南一百餘里潘景等募修

小水坪寨

縣南六十里

雲霧坪寨

縣西一百餘里

福星寨

縣西六十餘里謝萬年自修

佛頂寨縣西六十餘里聶

滾子坪寨縣西一百餘里楊

三保寨縣西一百餘里

佛現山寨縣西一百餘里

迴龍箐縣西一百五十餘里四圍險

中山寨縣南一百八十餘里

永安寨縣南二百四十里王

后山坪寨縣南二百四十里

保和寨縣南一百八十里十二都三甲紅巖山其

治年間髮匪攻撲數次俱無恙

江津縣志 卷五 堡寨

馬鬃嶺寨縣西六十餘里

謝天印所建

寇逆

明正德六年江津賊曹甫作亂稱順秦王攻圍縣治

時建南道按察使司僉事吳景聞亂至江津督民兵

拒守城陷景死之巡撫都御史林俊調兵討之破甫

於石板井伏誅石板井在縣西南四十里副史李鉞以施兵破賊

方四於大埡曹甫方四通紀俱載在六年內方四必甫黨也大埡離城百二十里

逋誅與仁壽逋賊麻六兒等復起殘破蜀土人民益

遭荼毒正德九年總制都御史彭澤始討平之

嘉靖四十四年長池人周嘉與弟虎彪以白蓮教惑眾作亂都御史劉公自強遣百戶李茂知縣鄭杰撫諭之不聽時大足人蔡伯質田統富順人黃一元等師事山西妖人李桐傳習白蓮教聚眾作亂嘉與伯質等相響應劉公乃遣李茂調濠溪等士兵得四千餘人討嘉等誅之

萬曆二十七年播酋楊應龍屠劫邊境再陷綦江殺房張二將攻江津縣大肆荼毒總督李化龍勦平之天啟元年藺酋奢崇明父子陰蓄不軌遣將樊龍張彤藉援遼提兵赴渝殺巡撫徐可求等官據渝城石

江津縣志

卷五

寇逆

十一

砧女士司秦良玉兵至斬張彤一第左布政朱燮元守道徐如珂調土漢各兵官軍四集崇明子奢寅領兵五萬赴援先遣心腹周鼎由江津而進聞崇明在來佛渡敗死退回永甯樊龍糧絕出求降士兵縛而殺之時江津正當賊衝知縣周禮嘉率眾殺賊後被陷旋復

崇禎十七年甲申六月巨賊張獻忠陷重慶時舊撫陳士奇奉瑞王守重慶駐兵下流四十里之銅鑼峽獻敗曾英於涪州分舟師沂流犯峽而已登山馳百五十里破江津掠其船順流而下奪佛圖關兵士驚

擾遂破重慶八月賊擁眾二十餘萬水陸並進攻陷
成都十月稱帝僭號大西漢邑兩岸俱被屠戮時闖
賊亦於三月陷北京刁化神江津進士由荆南施歸
道致仕在籍起兵殺賊僞令屯游溪有眾數千皆烏
合無紀律且不稱原官而稱好生臺舉動如道士行
科教法錄鑄好生法寶關防是時十三隘將備曾英
等自敘府統所部屯江津刁兵望風驚潰英遂并其
眾化神逸去津之江南有積粟官軍多移營就食客
兵士兵爭鬪無甯日耕作俱廢乙酉曾英等移營渝
之南岸先是諸隘將因無所統攝尊曾英爲總統閣

江津縣志

卷五

寇逆

十三

部巴縣王應熊奉永明王命總督川湖雲貴軍務專
辦川寇時諸郡惟遵義爲王祥所守未破應熊入居
之開幕府誓師討賊應熊欲用曾英囑王祥申款祥
奸險反於中搆毀英不爲用應熊無師可督刁化神
再起兵駱來山王祥擊殺其父子奪其眾入渝應熊
弗能禁是時副將曾英參政劉麟長及部將於大海
李占春張天相等破賊於重慶兵十餘萬值大疫起
駢死連村三月王應熊至縣屬洋滿嘴補選各郡縣
旋移駐津城內久之無應者遁入古藺卒

國朝肅王率師西征誅獻賊於西充之鳳凰山獻養子

孫可望劉文秀東走攻渝曾英舟覆溺水死重慶再陷王追賊餘黨入遵義留白永柏守之王祥走江津率餘營潰卒入李市壩斗溝子往來掠食已盡率眾入真安旋攻陷遵義白永柏退入渝城而姚黃賊黨袁韜武大定從南川綦江突至沿途搜殺取道出杜市珞璜市渡江一路男女皆從夢中而死不知爲誰氏賊寇王祥既定遵聞袁武出渝復率眾屯江津放兵大掠袁武在河北時出兵與祥敵殺不休又闖餘孽李赤心子來亨走川東曰西山寇先後屠戮各處亂民號土暴子以打衙蠹爲名攻劫鄉里以人爲糧

江津縣志

卷五

寇逆

十三

戊子大饑所餘殘民彼此相食其食人諸狀與唐史所載朱粲等事無異慘不忍述津自是爲虎狼之穴翻屋登梯號爲神虎人煙斷絕凡十餘年自順治四年丁亥誅獻賊越康熙元年壬寅總督李國英統秦豫廣三省兵勦平郝永忠袁宗第李來亨等全蜀盡入版圖廣招徠蠲徭賦流離始復共慶堯天之樂焉康熙十三年甲寅正月雲南逆藩吳三桂反遣賊將王屏藩等分道陷四川津民入伍廢耕岌岌危懼至十九年庚申

王師奮威將軍王進寶恢復保甯遣總兵楊招撫重慶

各處脅從將士悉沐

恩赦不問惟賊帥馬寶據遵義欲犯渝夔東譚宏川北彭時
亨何良柱截據合江江津之交互爲聲援時川督哈
調諸兵集渝巡東副使王孫蔚多方調度通判溫恂
傾貲助餉巴縣令焦映漢團練鄉勇江津令王璧當
寇兵壓境督辦津糧犯難接濟二十年辛酉正月賊
進據百丈梁貝子統各將軍直搗賊營殲之殘川遺
黎復覩昇平

乾隆四十二年秋川北嚙匪劉綉灣角九等各黨類
百十成羣散掠蜀州縣客旅苦之差役營弁所在追

江津縣志

卷五

寇逆

十四

捕不能禁事聞

上命內大臣福總督全川嚴捕獲匪等數百人悉行梟示

乾隆六十年湖北邪匪齊王氏姚之富等燒香聚眾
焚掠州縣轉寇豫秦嘉慶元年九月蜀達州奸民王
三槐徐添德羅其清等亦起響應官兵攻圍金鵝寺
方山坪等處二年夏各潰圍出分掠川東北州縣與
齊姚二逆會合同竄房竹一帶冬轉入蜀由大竹焚
長壽至理民界渝郡戒嚴津邑居民紛紛逃竄久乃
定嘉慶五年正月邪匪徐添德等數千人由定遠縣
潛渡嘉陵江至潼川府屬聚眾數萬五月由射洪太

和鎮渡潼江至川西資簡綿龍梓劍各處省城戒嚴
全川震動自津邑上至瀘戎嘉眉北岸居民男婦悉
渡江移南岸上憲檄令士民各聚團堡樹寨柵以爲
堅壁清野計六月參贊大臣德自劍梓與賊轉戰連
捷復逼賊渡嘉陵逃民咸歸復業七年冬綦江王際
林牟元魁等結黨數百人亦效王三槐等謀逆在境
內杜里蔡壩焚掠邑令徐鼎率同營弁及邑舉人潘
埜貢生郭殿選候選同知戴登霄等帶鄉勇團眾千
餘人協捕立即擊散旋挈獲賊首王際林等解赴城
經畧悉行梟示至九年蜀秦楚三省邪匪勦除淨盡

江津縣志

卷五

寇逆

十五

重享太平焉

咸豐二年正月土匪羅五由朱家沱嘯聚百餘人
直抵二溪知縣程祖潤率團勇數百人追勦於盡
頭溝生擒羅五并其黨數十人時川東道曹澍鍾
在綦防堵來縣訊確梟示十數人餘釋之事遂平
咸豐九年秋滇匪李泳和卽李短藍湖鼎卽藍倡

辯子

大順

倡

亂十年十月逆股張五麻子至永川分股攻雲谷
關經團勇擊退十一月藍逆分股由永川突竄朱
家沱大肆焚掠十二月廿一二等日陳祥恩一名
八仙口稱統帶官勇中雜婦女約三四千人由雲

谷關入紫游溪姦搶燒殺與賊無異經團正副等調集團勇添設礮船在對岸之葉子沱下渡口瓦廠馬頭晝夜督禦賊不得逞廿五日始分股上竄一由吳市場秦家坳一由盤街子聖鍾壩俱會聚於朱家沱後經各都團眾擊走時爲咸豐十一年也是歲九月初一日藍張逆股曹統領復由大土坪來竄擾游溪數日始率眾從登雲坪寨下向壁山去

劉承先卽劉萬本傭工者流自謂得異人傳授屢以邪術煽惑鄉愚倏於咸豐十年十月三十日夜

由羅壩子燒燬呼號沿途裹誘直據燕頭山寨約有貳千餘人當經團眾圍攻不克次年正月知縣吳羹梅商同邑紳等勦撫兼施親督團勇直搗巢穴解散脅從全境以安同治元年髮逆石達開於三月廿四日由馬鬃場竄入津界一路場市肆行燒殺廿七日由夾灘場李市場至白沙鎮閱數日始走合江四月中旬髮逆全股復由綦江越大地口入津前隊聞李市場紫有官兵折由三合場太和場徐往合江時逆眾數十萬蔓延數十里雖有關隘防守團丁堵禦多不足恃凡所過之地俱蹂

躡不堪幸綦邑請援果字營來縣迅速追勦四民少安七月下旬逆由長林合江又至縣屬之黃泥場李市場等處時有振武安定兩軍住紮鶴山坪寨賊不敢逼八月初一日攻破小水坪寨旋率眾向綦江而去八月十二日塘河余成章拿獲土匪郭順理周有效又八月十二都楊登堂等拿獲黔匪張喜元穆元順等俱經知縣趙綬銘訊明正法同治元年前八月合江土匪毛布雲糾眾踞滾子坪又八月被擒伏誅

同治二年五月合江土匪雷正超簡四亡等竄踞

滾子坪六月經知縣賀洪熙協同果後營勦滅

同治三年三月劉萬邦等督團攻退號匪生擒李二余長狗知縣吳培棠訊明正法

同治三年貴州號匪闖入柏林場四面山大肆焚掠督憲派閻楊兩軍由龍門場進攻斬獲多人餘退回仁懷一帶

鄒丙仁懷涼邨人盤踞人懷三岔一帶同治三年兩次闖入洪洞坪八月五日經把總吳廷斌拿獲回城知縣吳培棠訊確正法傳首洪洞坪百姓決之

